

沅
湘
耆
舊
集

沅湘耆舊集卷第二十九

新化鄧顯鶴湘臯編輯

鄧縣沈道寬栗仲校訂

些庵先生郭都賢

近體詩一百二十四首

鶴天寓

荒老菰煙碧一灣十洲聲息冷漁蠻何期淮海三千里來
黃邱園入九開繞徑不妨傳蝶檄觸簾長恐破松關沙蟲
化盡猿空喚叫叫南遊駿未還

蕭疏門巷雀堪羅渡海仙仙幻碧葦燭微較施洲渚少稻
梁謀學雁鵠多羽儀濯濯人雙璧風月茸茸雪一窠三徑
不須頻卻掃莓苔深處舞婆娑

丁丁猶是感同聲況復仙禽託友生蹈海羽毛誰欲假告
天心事爾能鳴玉音寡和惟將子雲族多儀此况兄目送
高鴻弦未絕商陵一曲不堪賡

夢繞黃鐘空復庭橫姿延頸指滄溟渚宮無復重來澤石
室不知何代經巧奪毛生飛粉本小輸花樣繡霜翎相思
落落殊矜貴古月藤蘿照舊廳

盤風高挂謫仙恍剖鯉呼童報鳥函不信羽流能絕粒若
爲毛女偶臨凡枯桐爨底琴何泣豐草林邊鹿太饒一步
一隨看一啄願同飢渴慰冰銜

人日喜馮子於茲至

霜顚不長可禁春一笑相看倍愴神魚磬定時如喪我馬

斗呼日得逢人冀開七葉當霞瑄柏冷三花謝葛巾僧老
半閒同客况淹留莫遣負芳辰

五十誕辰

視息人間志已非空吟嘉祐暮煙微神魚有運思溟化瘦
鶴何年厭稻肥蓬老一邱忘服艾鐵看三折始編韋孤城
太息因緣晚得著袈裟是嫁衣

百年纔半幾回波蹈海茫茫且俟河天若有情同我老世
皆欲殺此身多橘州不化羞空枳蘭畹長生情負蘿破涕
猛然驚失笑夜來頻夢倒冠裁

誕日諸親友少長咸集

相逢不是舊衣冠破衲髭頭掩淚看五濁等閒槐國夢一

乘自在石牀寒莫空此度授子易長恐餘年假我難風雨
到門疑興盡情親小謫也成歡

依依蘭玉聚羣英撥弄散中太瘦生十載亂離如換而一
時羅拜不知名鶴鵠飛急甯家難龍象歸宗豈世情善祝
莫須頻作算於今刻刻是長庚

附錄些翁丙戌六月初二下髮文竊維神仙五百
年遇劫何况凡胎菩薩千百億化身不妨變相都
賢憶自棄官廬墓早已選佛開場古木變風暉
寸草旂檀滿月雲割半閒先以為避世之桃源將
可希紅天之靈運不意皇天降割先帝蒙塵南北
陸沈中外雲擾干戈載道苦兵火者已及五年文
武開疆泣湖南者又將半載夷歸周土甘採薇以
何辭宋有盤山恐徵書之不免敬於六月初二日
齋心頂禮灑候陳詞上告皇天后土二祖列宗之
靈下告社台城隍三代高會之主焚香拜佛祝髮
為僧意比頑民托名頑石雖作空門之癩子依然
亡國之遺臣冀離陽九之災仍守莊三之節難報

者君恩恩與佛恩相通者釋教道教與儒教慈
承天上從無不忠不孝之神仙淨土梵中豈有不
忠不孝之菩薩元首明而朝延尊目今賴佛逃日
苟且全生膚髮全而父母順他年還俗加冠庶幾
成老太平有象三千復華國之衣冠般若無窮二
六奉空王之禮樂願垂悲愍俯賜證盟無任瞻仰
顙禱之
至謹意

戊子中秋當余新喪小女羅直夫遠來襄事甫畢卽
別去知余懷殊惡不堪淹留耳女年十八已贅宗伯
羅莫江長子名賢扈直夫則宗伯從子也

惆悵清光喚奈何苦禁淚眼哭當歌玉看碎後同飄瓦花
惜飛忙枉附羅未定采雲乘翠鳳安能靈藥乞脩娥問君
不住非無意愁見寒山有愛河

謝家有妹從兄後靈運生天占父先可是蓮花登上界只

凝瓊樹散秋煙團圓好在人何憾子子孤飛姊亦憐今夜
霜華淒切共相思應落一抔前

誰云生女不如男十八阿嬌凜在三憂國有懷同漆室將
親無計老瞿曇手栽糞草雲千衲自注女爲余製衲衣稱壽妝掩菱花
黛一函鬱鬱竟成風雨散空流秋月捉寒潭

哀絃促促引商悲鼓瑟難同續命絲天壤有郎殊不惡新
巢將子獨何遲香魂聚窟爲驂邈小膽空房月影疑翻怪
弱齡嫻內則春行冬令久攢眉

九迴腸斷五年思貳室那堪疚再罹

自注長女年十九以甲申冬喪時亦贅孝

廣徐青仲辭謝獨沾朝露早珠沈如避夜光遲蒼葭杳矣
長子鼎吉懷人夢忍悲淒然哭女詩何事業緣消不盡幾同法喜省

情癡

寄情道人

斷送秋悲又度春
相思終日再來身
乾坤何處一狂客
風雨不驚情道人
桑落酒添多不夢芙蓉衣
換墨線新故鄉
久待黃冠老典禮
從容問賀循
七尺裊然百丈身
十年離亂指高靈
山中作黍思元直
水底看花咏季真
地老天荒餘幾日
男婚女嫁更何人
知君滿腹名山藏
不爲秋風始憶尊

次韻羅直夫見訪

傷心痛定仍餘痛
握手何言不盡言
兵火劫中來去現
死生幻處難仇恩
離情似夢同嘗膽
佳句如香欲返魂
相慰

直須判一醉鳴泉在戶石支門

纔拋烏帽一升塵便擬黃冠五嶽人竹裏平安粗報字賊
中辛苦瘦憐親窮園落日曉痕舊蒼狗浮雲變態新君去
試看戎馬跡南轅憤後九迴輪

入月念日接直指張公書問心肝氣骨楮幅盈盈紙
尾云佛地中人故得屈伸自如成千古完人一加委
蛇便墮坑塹遙望寶幢惟有呼號興言及此一字一
淚一點一珠感賦

一鵬霜染雁霞蒸鷲嶺飛來得未曾清道立消車載鬼關
雲遙識嶽遊僧南牀不借留無玉西土如歸弔有蠅世出
世閒緣底事好音懷處卽迦陵

略盡霜威貯雪肝思君直作古人看芙蓉鏡裏雌雄合白
芷江邊怨慕難煮鶴焚琴饒罵祖燒猪沽酒強留官寶幢
一語千秋感熱鐵成丸也應寒

附錄些公通直指張公揭伏念台臺法輪轉世慈
航渡人值兵火之殘黎久無淨土憫游魂之喘息
望灑醍醐頃者文武開疆甫臨下邑隨奉張縣主
差典史劉游府某官民先後入山守催投見益以
都賢爲鄉宦而不知久已爲病禿也故遣子孫等
入城晉謁並陳老禿蹣跚不能匍匐之狀而游府
助餉之命已再至矣和尚出家安所得餉故命子
代父勉輸應命柰禿歷薄宦漫無素遺若此誑言
應墮拔舌地獄兼值數年兵火流離家資蕩盡田
園荒蕪不能咄嗟立辦罄家服飾各項不足萬分
之一點金無術持殊無門禿伏思新朝近時部
文止有舊日官宦不許枉用新頒袍頂結交官府
之旨不聞有誅求和尚之旨台臺以鐵面冰
心埋輪按部數月文告屬邑通行拳拳德意無非
恩撫流亡之民未有追索方外之民也歷稽古來
革命其時在天下之人出處各有不同咸賴在上

之主持風教者兼容而并包之方得以各行其所
見故同時同地如蟠溪出而西山隱鳳雛出而鹿
門隱夢炎昌言諸人出而疊山隱在官者為識時
之俊傑未嘗鄙夷隱者甚且扶之於馬前跪之於
圯上拜之於牀下薦之於朝廷在隱者周旋世法
歷稽載籍西山不聞走孤竹黃石不聞遊關中鹿
門不聞謁荊州疊山不聞叩雪梅流傳至今想見
一時大海為容堪作千古美談今禿既然衰謝之
姿又罹陰陽之害奄奄殘喘如泉下人何敢妄希
高蹈而台臺雪肝照人金臂接衆直當於古人中
求之宰官身現無不從三世因緣來念此雲水埋
蹤沙門本等膏肓裹足老病尋常委而棄之鴻冥
何慕海鳥相忘用以廣新朝浩蕩之恩以昭明
公廓略之度亦他日湖南一段佳話禿不勝頂禮
無量功德之至附錄張公直指復些翁書十一
月至自衡陽十二日兩公即持尊翰來口道劉弁
橫索之狀不禁髮指未及發函即命駕詣徐帥府
告之渠意頗善許以嚴飭責嗣後不悛輒以其票
撤數日相問以塞展辦之責也歸署發函始悉惡
弁如此不佞叢誓莫贖矣相距三百里而見聞不
靈隔服不遠誠無可以謝罪逼還此衷而未嘗不
頌孤竹而慕疊山也所以開關希問者徒以功令

多求訪伺周密祇墨相存不足增重交益之遠
跡遠而情切不敢外熱而中寒也先生住佛地位
中人故得屈伸自如成千古完人飯生一加委蛇
便墜落坑塹遙望寶幢惟有呼號按張公名懋傳
山東膠州人

馮於茲秀才見訪

知君不爲訪林泉澆盡胸中一揖前千里竹樓縈客夢半
龕茅屋對僧眠禹餘欲采非無粟蘇晉思逃只有禪日暮
秋山遲月上高原燐火佛鐙懸

涓川趙髯衲爲大觀門下士因得晤於出泥筭感舊
事贈之

破衲孤筇意指西昂藏七尺幾回低與頭俱碎惟還壁行
腳將穿未報鞦勝國衣冠吾黨淚江東子弟故人涕六時

煙磬清殘夢夜半無勞再問雞

冶男往還漢口

白頭無籍作流民徒跣猶能念老親
烏鵲樹邊千里帀鵲
鵲原上一家貧
肯拋紙筆斯吾子得溷魚鹽豈俗人歸學
少陵尋弟妹石門秋色是陽春

喜劉樸先見訪次周宜一韻

入公何處是長林
三帀無枝倦鳥心
未就卜居騷且讀若
爲逋客鶴能尋
風雷大澤雙龍合
霜月高秋一棹深
歲歲蒹葭勞夢寐
漫言虛往始從今

元夕步出泥庵

綠天消盡暗塵開
夕照依然爲露催
山少泉聲松瀉出
夜

多花影月銜來六街鐙事千春夢七尺筇心兩腳皆賺殺
清光憑領取映窗羅縠得先陪

梅花

十年樹木歎遷陵手澤名畱漢臘仍疇父山中忘甲子木
公花裏奉高曾巡簷忽笑幾於道冷燭無聲舉似僧翠羽
沈沈蜂蝶肅林閒賀客舊青蠅

石門煙鎖印花封銀海光浮小閣東供養六時香雪飯莊
嚴百合藥珠宮但看定水空林影莫遣黏泥帶絮風寒涕
滿膺撩鼻觀醅醅撲殺蹇驢翁

肯將官閣易山房繞徑沿谿愛一荒石髮不梳殘雪漬芒
屨偏沈軟塵香高寒悄閉蜂衙暮短晷流連鶴夢長安得

萬閒園煖室蘭湯如俗拭何郎

洞庭秋九十首

錄三十
五首

挂卻魚竿謝釣磯空明欲擊泝流非地傾西北媧無補人
化沙蟲鶴不歸界破紫蛻分碧眼平沈蒼狗卷秋衣蒹葭
白露關何事尺蠖洋洋可樂饑

秋遠平湖湛四虛風波莽蕩渺愁予可知破浪思宗慤不
似驚濤說子胥擊去三千嘲斥鷃乞來升斗泣枯魚從今
試上巴邱望肯信龍蟠有渺沮

煙老蒼容合看山秋波容與若爲顏雲中有待乘黃鶴月
下何時放白鵬禹服三千荒楚錫峯青十二冷湘鬢過松
亭上驚搖落一棹西風客未還

何處扁舟別有天
眸光奪卻失中邊
孤雲萬里誰禁此
長笛一聲人悄然
叢桂小山隨地得
蓼花隔浦漫情牽
冥鴻野鳥眞寥廓
不向谿深歎站鳶

鐵幙橫霜警萼勞
洞庭波湧赴秋高
盡翻漢代迴風曲
傾倒蠻天八月濤
星影動搖催海曙
鴈聲激楚下鞦韆
釣筒收去空雲水
明月蘆花老二毛

尋常煙水占方城
大有乾坤氣不平
風縐青娥湯沐邑
霜威白帝伏波營
諸姬帶礪雄推長
少女參商浪得名
滄海桑田河亦徙
茫茫三戶澤中瀛

金沙沒盡日愁予
野潦寒潭見大巫
風雨晦明千態幻
乾坤日夜一身孤
雲消決口高峩嶺
吟到無髭笑押都
蟋蟀

草蟲兒女語寥天清怨著他無

冰神玉骨宛湘靈蛻出君山一點青霞落有柑分笠澤霞
飛無驚到官亭朝宗江漢流承沭風雨沅湘屋建瓴夜漏
漸漫天亦夢魚龍睡穩莫教醒

不緣衰草動離憂叫絕湖光幾換眸天上兔烏成水族方
中鴻雁作邊愁秦關明月黃花戍晉代烏衣紫塞裘俯仰
洞庭天一角白雲猶是漢時秋

蒼莽無聲暗入占虞淵漠漠已沈崦山河再造湖千古天
水相涵鏡一匳自有沒人閒戲海由來澤國不教炎茂陵
幾度秋風客欲濟無舟漫自淹

樓閣仙人識舊銜登臨賦就亦喃喃清風月曉忘長夜白

露雲封欲散。緘魚腹。幾年稱泛宅。馬當何日送歸航。晴
春色。濃如許。偏納淒清倚杖函。

一泓如徹洗秋容。南紀湖天作大宗。夢後玉書煙息壤。鏡
前金甲冷芙蓉。杳無帝子雲中鼓。恐有仙人閣上逢。好綴
清光遊汗漫。莫遲風雨暗斜封。

大漠風煙接楚江。舊時長水儼稱降。涸鷗主守成翁老。寒
雁孤飛帶影雙。日下蟬繩纏雨腳。浪中漁火繫雲樁。蕭蕭
極目愁生感。倚箒呼樽倒玉缸。

寒水光涵澹。欲無秋懷落落與誰徒。悲歡嘯笑難爲主。風
月雲瀾未易圖。鴉趁曉帆行食乞。雁眠深夜聽更呼。志和
船上如終老。酒釀君山不待沽。

知身放入水天圍。倘怳心旌骨亦飛。千日醉醒方有夢。六
根清淨欲無歸。波寬木下何能滓。雲滿天高不礙肥。南國
舊荒西瀨斂。可堪卑溼未成衣。

破衲飄零意指西。無端倚杖歎波兮。黃陵日暮懷今古。皆
隼聲高聽鼓鼙。霜露戎嚴風力飽。矍矍守險浪頭低。問誰
擊碎中流楫。眼底瀾翻望轉迷。

包天九派舊稱懷。水落秋空渼未涯。無復狂瀾同海立。有
如當日爲江排。希文後樂何人獨。漁父隨波舉世皆。學得
臥遊宗炳法。畫成半壁挂高齋。

遙空目盡耳如聞。斷續鳬羣與雁羣。滂重自來多楚雨。帆
輕未許載湘雲。水天跨壤餘三則。風月偏秋到十分。估客

漁人渾不解幾看埋照立斜曛

風流淘盡大江東南國滔滔五渚通青草破荒紅樹外黃
陵濡沫赤沙中蔚藍天盡收浮蜃閭闔風高憶斷鴻萬里
素秋何處接微波一葉下新桐

把酒臨風欲寄誰滿湖明月葬鴟夷石尤遷客孤舟日遠
道斜陽失路時草木變來悲有賦東南圻後歎無詩暮鴉
古廟楓天闊一碧秋光寫太癡

芙蓉寂寞冷三江八九胸吞瀨氣扛精衛不填雲外土岫
巉平偏紀地中澤九疑帆轉無平楚五嶺潮歸有怒瀧
蘇洞君天一壑元龍百尺也心降

按岫巉有三音

凋知點滴滿知漫著向湖心總不干楚曠地何知漢大秋

空天不被雲瞞但言碧落連波化好食淪陰畏氣寒莫怪
望洋成一笑遐心久已徒冥看

米英灘下碧如環接氣乘流一壑閒萬里風煙懣雁鷺三
苗土姓錫漁蠻蕭條有數門惟水澎湃無時浪已山記得
廣陵濤八月銀飛玉噴也潏潏

幽壑何須託舞蛟陸離光怪一微泡珠官札札綃千丈雲
路冥冥漸六爻麓走湘源穿地腹使稱蒼水洩天苞青煙
九面傳疑久竹淚無聲冷露梢

秋遠登高不及深一湖煙月許誰尋相看碧水沈沈意盡
是青娥夜夜心北去長鯨雷不鼓南飛朱鳳氣全陰灌河
牛馬空遺跡莫向蹏痕覓舊潏

寫盡愁心字曰愁不關風雨陸沈幽月明清怨留長夜霜
冷頽波下十洲萬感銷沈方著眼三更縹渺莫登樓多情
最是情生處亂疊雲平浪一漚

年年澤畔久因仍鴈瀋湖光得未曾孤客寸心千里目秋
斐八月一盤冰海縣鋪月飛飛帛文綺生風細細綾徙倚
夜深幽夢蕩行空飄忽落汀層

湖山各踞小滄溟吳楚平分兩洞庭陽谷淵深爭浴日長
沙秋遠占分星舳艫出霧辟谿瘴鱗介成雲帶雨腥廣樂
不聞人不見曲終猶記數峯青

合江波影暗亭臯蹴踏虛空腳未牢爛煮白雲仙鼎沸盪
摩青鏡玉臺高君山淚盡湖方涸羅水魂銷氣尚騷萬古

洞庭如此日悠悠誰問首頻搔

饒他潑撒耐他何樓上沈吟舟上歌氣索但憑河伯笑情
癡不放洞庭波西南傾盡唯魚樂日月淪餘只夜多白眼
黃花看不得藏頭老困水雲窩

豈有蘆灰塞女媧平湖沒滅與天遐蒼添白露兼如雪浪
逐紅霜葉亦花痛飲微吟思不夜狂歌大哭已忘家誰云
泛宅來蒼雪空賦滄浪與若耶

儘勾風月與陰晴只此虛無寫不成嶽色一樓雲盡去湘
流千古浪初平人從靜處窺濃澹水到收時見性情百谷
有王河有伯赤沙青草枉爭名

折脚鐙邊老一龕撥頭船子意何耽水看白處波如熨樹

到紅時色已酣
遵渚幾聞歸塞北
觀濤儻有下江南
楚天
不少乘槎路
耐可稽康懶不堪

隔斷紅塵絕點纖
酒香亭上冷
青帘乾坤有盡疑
天失日月無多
忍淚淹鬢入星星
秋在興
鷺能汎汎
著何占河清
海晏尋常頌
歎息湖波歲未恬

亂荒三徑不成
芟誰復當年少
長咸得似魚蝦
編浪籍且分湖
嶽配高銜碧雲
宮裏無衰草
回雁峯前有寄
緘八面
洞庭看
不出秋心起落
是征帆

附錄嘉魚熊魚山開元題跋洋洋乎洞庭秋眞楚
澤之遺音也些公自序云題面極壯麗著邱壑
儉語不得題情極清婉著波濤洶涌語不得世間
淺人豪健人生活已一時剗斷父子子卻於太
虛空裏拈起乃微變寒儉爲清婉寫洶涌爲悲壯
縱橫曲折裁成九十章凡五千言不閒不復譚天

至非非想發地至金剛際無以喻其深乎旁觀者
方目瞪口呆向能贊一詞乎釋藥庵濟志跋黃
梅破額晦山樵跋天地閒大曠景原以待大吟咏
自有洞庭秋然非些公才異志節異胸中邱壑異
即自坐瀟湘而巫峽有望洋抱歎而已湖可涸而
詩不可滅秋可老而文不可老真萬古絕唱也
讀數遇忍俊不禁中夜亂書一歌以博掀髯大噱
癸卯仲春下浣六日黃梅破額晦山樵戒飲且稿

嵩夢有序

三十年前夢作嵩遊蚤被黃梁奪去三十年後作遊嵩
夢忽驚蝴蝶紛飛客有聞予言而笑曰子何夢中說夢
耶白首流離藏身若藹青鞵踏破閉戶如關忽爾走二
十八載過去之路見二十三載別去之人驢背之塵幾
升佛頭之穢徑寸經千八百程閱五六七月歡然道故
且笑且噉聊爾逢場一觴一咏望繁臺之遺響陵谷傷

心弔梁苑之流風
煙雲過眼何一非夢耶
若夫二石端然三花
燦若石上之影不磨
腰間之雪常積嵩夢
子耶

不關貧竺戶如蓬
六月炎炎冷署中
洗淨洛塵天上鏡
化為眉黛眼前嵩
路從尋友迷方返
境作遊仙色是空
幾向華山求睡法
高峯枕子夜來通

名山短策笑長年
贏得芒屨幾雨穿
四壁少文眠未著
九華常侍臂空懸
中天太嶽三生石
初地名藍二室禪
風雨夜來親見得
神光不向別峯傳

三花消息近何如
都付文通寸管餘
高况若留他日話
苦懷似寫別交書
由來山水如良友
現在因緣盡子虛
莫怪

枕邊人不識同牀各夢一軒渠

五嶽蟠胸一寸廬名山婚嫁計何如
朱陵七十誇家具少室東西索客逋
撒手懸崖忘墮地倒衣高枕枉遺珠
石樓車馬兼廚傳韻事千秋較轉孤

栩栩涼生湘簟風翠濤吹落少林東
飛鳴疇昔黃冠似哭叫當年太華同
野馬氛馳如有在砌蟲喚醒未全終
笠瓢得得看來去那識長連小六通

桐雨疏陰翦未成相思落處逐情生
青林路暗誰來往春草池荒此弟兄
客散梁園悲日暮社傳洛下浪時名
銅駝荊棘渾如夢始信靈光有化城

寄懷程箕山時參憲大梁兵驛道遣使相招

翔鴻分破雁南天彈指相看二十年欲坐春風深到雪那

舜雲水澹如煙芙蓉暮裏高梁苑書畫胸中敵米船自注

書畫特少好寄梅花憑驛使嶺頭髣髴盡庾山憐

秋水堂空燕不歸自注秋水堂故園荒老廢應稀千竿風

雨灰焦土半臂雲山換衲衣薤露終天牽別憾自注外舅

舍箕山隔在北平亦別去十有一年紗籠舊地見餘輝何當短策連牀話官

燭燒殘淚一揮

答胡伊人寄懷原韻自注宜興人居箕山幕中時

籠中水上一漚浮南北風遙歎馬牛退院老僧長閉戶踞

牀豪客自登樓廣平鐵骨詞何豔自注伊人文衍雲衣臥

亦遊舊識梁園悲日暮可禁客思不搖秋

送老糟醕幾拍浮肯將龜尾易犧牛飄零作客淹西澨
綈懷人上北樓座擁春風知獨領賦多雲氣願同遊何當
落落孤鴻影帶去湘南一段秋

過憾這關

自注已亥閏三月廿五日

笛裏關山聽已陳杖頭雲水見重新三分往矣忘遺跡萬
丈歸然想憾人界破楚天當一面照殘漢月度千春不知
興廢關何事行路悠悠亦愴神

別去箕山二十三年矣此來重見如在夢中悲感涕
零遂成四章

錄二

但擬相思命駕非腸迴九折望如歸二千里外枯藤杖十
六年來糞草衣風雨雞鳴情絮絮屋梁月落夢依依孤雲

野鶴天何闊爲傍鵲原故繞飛

歡言握手亦尋常略盡寒溫對渭陽作客漫云鴻滅竈飯
僧差與鶴分糧芋煨懶瓚君堪領石供髯蘇我曷當
此來豪氣盡賺將百尺作禪牀

雍邱臬署懷同社馬布庵孟陟公調之閑之諸子

曉夢驚回訝在陰羽衣飄忽下仙禽梳翎漫識三年字延
頸常懷萬里心化去令威蟠海島隨來清獻伴瑤琴問誰
鍛盡凌霄翮明月秋風思不禁

卑棲高格鳥同筴豈肯供人耳目娛鴻伴稻梁原不慕雞
羣飲啄亦何孤響行煙夢和天未疊入琴心控地無雲海
自空湖自闊饒他安遁與林逋

留別箕山途次中秋補寄

尋常別淚肯輕揮
萬感填胸灑向歸
燕客恰逢秋社去
鴻賓收逐楚雲飛
頗無行李防人面
卻有緇塵點衲衣
回憶高樓生悵望
天南孤影漸看微
能來一面已酸辛
不待撩衣把袂晨
富貴骨頭貧賤氣
太平世界亂離人
中天皓魄臨無地
長夜荒雞夢有鄰
歸去草堂籬菊滿
把君書畫伴花茵

中秋旅中

等閒炊桂作勞薪
斷送蟾光苦怨辰
天若不情無此夜
客爲何故有斯人
薄言酤市澆行役
譌語樓船震比鄰
二十四橋明月舊
烽煙歌哭幾回新

還補山堂

通身放下此時纔落索躡盤處處猜老友蚤知遊事倦寒
花遲待主人回蝸宮拂拭分僮理子舍團圞倩客陪世事
絕談家敕斷忍禁湘淚忽悲來

爲問茅堂卻埽無好添鬱翠襯雲孤攜來少室峯頭夢補
得箕山畫裏圖坐臥此閒餒便看起居環膝醉能扶曰頭
尊養稱安穩底事勞勞計轉粗

李雨公孝廉追訪蜀湖寺同宿

楚澤行吟蜀道難湘鱗枯對木魚看十年兵火魂初返三
月鶯花夢已闌無性似灰仍宿火皮囊甯餓忍加餐把君
短咏消長日老眼婆娑破涕歡

坐消春日載遲遲怪底君來我去時楊柳有情牽別憾杜鵑無賴促歸期名山藏裏憑搖筆鉢堂前想立錫把臂不如交臂失得添惆悵勝於思

三月晦日熙之李翁見訪一宿而去

但於獨往想天真不媿柴桑老此人道有太邱方許廣世稱伯起後能貧畱連半榻三更語消得經年一夜春肥綠蔓延蒼碧挺對君疑是坐松筠

四月初五崇陽王伯垣遠訪兼畱別詩二章依韻卽答

雙艇遙天影亦疑夜深煙水到門時自注湖水初漲舟得到門鶯聲老去誰求友笙嶺吹來我拜師白社一篇高士傳清流半世

黨人碑自注公在先朝被門戶借題問作至今廿餘年怪君驄馬同焦鹿愛駿支公若有思

雨散黃梅路不前孤筇方外且經年金人辭漢無歸日漁父懷沙有問天浩劫一塵滄際影名經千佛塔邊緣相遇漫道江城近羌笛聲聲捲暮煙

夢中尋路醒還疑憔悴難忘痛定時猿鶴曉曉車上鬼豺狼夜過枕邊師敢云興盡山陰棹但恐羞稱有道碑共在亂離何處說怕添愁緒是同思

話長消盡佛鐙前歲歲深深莫記年客夢不離獅子窟鄉心半入鷓鴣天鬢眉似戟生來骨山水兼人到處緣別後憶君高臥穩萬松棲斷午橋煙

梅花後四首

挂向陰山捲介衣南枝戰勝不言肥
馭吹百五銜枚出露布三千帶甲飛
大樹軍容黃石貌美人步障白登圍
蒼茫不識梅林路道是花卿雪夜歸

稜稜屈鐵負離奇霜飽冰枯一肚皮
禿節玉關彌朔漠綺園皓首靜威儀
翻憐風月何多故始及乾坤此一時
繞屋漫誇三十樹西泠予墓眼如箕

經營慘澹亂空華一幅寒林禿筆斜
香霧下飛哀壑咽古冰欲化蟄龍曄
暝如不夜山無夢孤可爲鄰鶴有家
漫問綺窗來著未牽蘿茅屋補春葩

碧海偷歸一茁新亦標容冶亦天真
餘年不謂有今日對

爾何如肅古人水佩風鬟格韻寒巖枯木想精神官肩
十樣懷春早捧到酸心已欲齧

六十五歲於木蘭山上之古寺感而有作

白首流離莫問年典型凋盡輩誰先星霜有信春秋報日
月無書甲子傳夢裏七朝彈指外眼中四代淚痕邊一第
五嶽何迂計賸水殘山信信緣

崢嶸石骨裹雲膚九折攀躋拔地孤驢技已窮分蹇步奚
囊不負代筇扶倚天靜梵翻成市乞佛勞生但有呼見說
此間通帝座瓣香我亦作南膜

缺題

三十年來老婦身相從貞媿未亡人不彀翦髮投繯苦何

情牽蘿補屋貧青草有情猶宿塚胡笳一拍也傷神千秋
粉黛留金石若箇鬢眉泣鳳麟

一天肝膽向誰傾搔首乾坤老淚橫遠慕司空遊藕室預
同元亮寫銘旌山河不礙香林眼草木何知乞子名好向
隔年從學易蚤因讀損悟無生

畱別大觀

天壤孤行等索居聲光落落定交初大兒小兒外無數青
眼白眼中有余塊磊澆空仍問石白注公爲余詩有問石七章肝腸傾
盡尙畱書幾回寢處驚人句搔首攜來盍去諸

相看何處識離情骭髀無言有嘆聲十載舊新人與鬼一
湖高下弟惟兄分甘轉覺懷良苦厭亂還愁說太平斜日

石門邱隴在只餘生計老農行

留別介邱上人

消盡三年種種思一窗煙冷磬殘時
笠瓢破矣不知處林水杳然何所之
每作想從言語外無多刻與夢魂私
聚頭難點真頑石苦別生公從向誰

無端去住大參辰欲別還疑夢未真
放腳漫稱千里客枯髻送老一年人
不當山水皆關命敢怨戈兵但說貧
草屨蔽根歸計穩思君冀作再來身

負卻秋期又減春名山價重杖頭輕
柳衣脫絮如催衲榆路鋪錢故襯行
慧與福仇安薄分僧隨俗混避高名
問君何事猶維繫洗菜谿邊葉出迎

別熊大宗并懷老人

孤筇一葉笑何名五嶽忙忙誤向平浪逐鷗浮忘出沒苦
添鶴俸累將迎雙趺炭裏歸來夢百草橋邊屋下生莫怪
望洋今又返子春不信會移情

自兵燹流離避居以後走嘉魚依熊尹初寓梅熟庵
再寓八斗角三遷西滢之張家坊後又轉徙新隄前
後十九年當仲夏驚暴客俯仰無告兒輩強迎歸里
補山堂非我有矣今年二月沔守諸君爲余勒石其
地亦從來流寓之僮事賦謝書感且志媿焉

竹鎖梅模柳挂絲伊人宛在復何之竭來老唱還山曲浪
得主題有道碑埽宿慣經忘逆旅登樓無計慰流離山巔

水底茫茫日寂寞千秋仗子期

歸山五首

錄二首

白首荒濱願亦違
綠林驅迫返荆扉
家同百姓銜泥入
人比孫山落第歸
齒髮衣冠方外別
田園廬墓眼中非
莫言狐首菟裘晚
十六年來破衲衣

生還不用大招篇
收拾驚魂又播遷
雲覲石門地名風木拱

江深桃谷庵名雨花鮮
兒孫計口支衰戶
骸骨埋名保暮年

咄咄遠離顛倒是夢中
昨上志和船

附錄天門藏附錄小宋寄懷些庵先生返益陽詩遊

作蓬山客歸爲洛社豪還家獨鶴語入軫一星高

雲度長齋鉢風乘百衲袍去來本無住日暮倚江

臯景陵吳驥既閑詩盡減南樓與難量北渚愁乾

坤雙草屨兒女一樵舟隱映春浮樹遲

同杜若洲越鄉十餘載辛苦記淹留

三

寄別髯袖

六時花下出泥佛三月江深上水魚有客有客吳連楚曰
歸曰歸君後余鬢眉七尺尙存古衣鉢一囊半是書爲別
添思莫添悵樂羣且近辛亭居

中秋

愁看今夜蕊淵明消息流光暗裏生不信玉樓寒萬里可
禁木客弄三更關山一點思誰落風月中分憾未平望盡
白頭丹益苦老人無淚哭無聲

戶蟀

蕉衫不解御輕吹散步深深若有思今夜草根聽漸近孤
懷先被砌蟲知

桐雨

占盡花開小鳳名
緣天百尺響初驚
夜來滴滴痕如淚
知落相思第幾聲

殘荷

露滴風顛雨打稀
一雙白鷺上秋肥
芙蓉薜荔全無信
且翦餘香製破衣

丁亥初度書懷

居諸禁得幾回銷
白石漫漫付爛樵
莫攬鬢眉驚壯老
生兒三歲閱三朝

自注甲乙丙
三歲三紀元

薌梅江柳斷寒煙
碩果畱春不共天
憂亂可堪垂老日
逢辰猶自說丁年

草間求活稱生日花裏逢春數信風身世不知何處是盡
拋四十九年中

九日

風雨一椽草草蓬蒿九日蕭蕭愍亂有僧入定卑樓無客
登高

老去秋容獨瘦興來高味同歡匣裏芙蓉氣索笛中楊柳
風酸

屋裏青山有主霜前白雁無家古道西風落日戰場碧草
黃花

風鶴入林警露雨花和淚沾襟甲乙丙丁戊子生老病死
苦人

嘗驚魚龍長夜冥冥鴻雁差池穴鼠無端首尾怒蛙誰問
公私

宿莽開成佛國秋山寫入家園避世以來去世石門之內
柴門

和家從衆妙園三十韻

愛月常分夜因花再問源芒屨穿竹塢松火出柴門遶屋
方知水通衢幾誤邨煙梢籠曲徑藥架覆前軒倚石堪支
枕編籬可代關閒隨僧啟閉靜與鳥晨昏坐願敲殘磬行
歌喚倒尊柳腰柔作媚松頂禿成髡樂到招朋桂憂忘奉
母萱風吹香入座月送影過垣酒政何妨虐談鋒擅禁喧
分行竄擬雁逐伴伎同鴛露下襟全溼雲生鏡半渾高低

螢自度去住雀能驚俯檻橫酖態臨池刻漏痕褰眠甯放
罪鸞嘯不殊孫寫照眞疑畫通宵欲達暄按腔矜有板恣
譔賞無根劇興饒餘地清光貯一園良辰拋卷痛子夜聽
歌翻任醉如泥倒將頽比玉奔頻來君不厭徑造我猶頑
望去蟾生魄飛來蝶有魂落花飄午夢秋桂略春恩晚節
憑誰識孤榮見子孖烹葵稱雅集揮麈記清言二阮無南
北三河對季昆悠悠那足問泛泛不須論短牘催偏緊長
鯨吸自吞涼飈吹漸逼沈水博山溫

石門雪後看山攜家從元昇及甥子輩連朝痛飲時
觴余初度也

賤日勞賢從隨時中聖人憑教青眼白爲看雪山春空谷

音傳玉食夫氣食銀竹林南北道梅信往來辰三五年聞
事干戈亂裹身出山嫌小草避世欲迷津一見相憐老重
來幾訊貧喜頒新正朔愁說再蒙塵白水爭思漢聊城謝
帝秦乾坤餘半壁日月起雙輪漫汙同根豆誰分域外畛
衣冠嗟反面膚髮怒亡脣淚雨風前燭遊魂夜半憐得逃
豺虎毒忘茹蓼蟲辛陟岵雲生舍參禪夢結因千秋仍寂
寞一刻屢逡巡多壽彌增辱微名合隱淪數莖鬢嬾鑷百
藥手勤掄活活魚無婢冥冥雁不臣棗梨炭片石鹿豕雜
懸鵠忍斷盃中物羞言席上珍荒邨雞黍足遶膝肺腸眞
路失沿溪舊尊移奪目新淹畱分卜晝放達迭爲賓此會
明年健如期舉五旬

曹石嵐茂才爲余老友兼締新姻一別五年幾不復見矣戊子九秋下浣戎馬戒塗閒道相訪感歎而得

三十韻

秋老黃花壯交疏白首親幾年豺虎道一旦雁鴻賓羽爲
書成午蟲懷蓼獨辛路迷尋友夜心戒履霜晨歲月旋如
蠅詩書泣到麟角無生馬望臂鮮怒螳真槐郡私官守蜂
衙奉主臣自注里中土鬼假與義名放火劫財魚肉鄉部
并文武官衙皆空頭劄子或并劄付亦無肯部
鳴蛙鼓戰穴鬪鼠牙斷肉食充前箸沙隄返子輪自注時
兵湖北與閩部堵公不協
看羊上堯天信犬猜兩頭蛇并蟄隔日瘡方臻往復難收
水重來應得薪崑岡遭焰烈繭足益逡巡自注以上數語
不意遂爲上人

年以後後懷室

感慨因因楚儂伴等避秦下根原鈍漢晚季

此頑民與腐延刀俎波瀾縱壑鱗蓬生何沒沒蔗境漸津

淮鼻觀撩獅吼眉攢謝佛嘆三車仍夢鹿百衲宛懸鶉薛

荔開楚斷兼葭託詠頻不緣巖慧陸那得接朱陳倚石思

攻玉登堂歎絕鄰巖犀聊示偈泛菊竊須醇自注石意外

添絲竹自注忽來歌者鐙前話故新艱危披棘滿高潔與

蘭紉阜捩羈千里牛衣厄半綸亂離文士賤需次席閒珍

未嫁皆貞女相逢是幻身漫將和氏淚分灑庾郎貧南國

無香土西方有聖人願隨龍鉢水盡洗劫灰塵

沈湘耆舊集卷二十九終

清江省舊集卷第三十

新化鄧顯鶴 湘皋編輯

鄧縣沈道寬 栗仲校訂

密庵先生陶汝師 古體詩五十一首

汝師字仲調一字友號密庵寧鄉人少奇慧甫
龔應童子試督學徐亮生驚喜得異才取冠湖南
數郡崇禎元年拔貢會上幸太學廷臣請復高皇
積分法祭酒顧九疇奏先生文甚佳莊烈帝特賜
第一詔題名勒石太學以五品官秩畱監肄業癸
酉舉於鄉兩中會試副榜官廣東新會教諭南渡
後由翰林院待詔改授兵部職方郎中五省監軍

復授檢討旋薙髮馮山號忍頭陀著有廣西涯樂
府噀古集寄雲樓集褐玉堂集若干卷先生詩文
書法名動海內有楚陶三絕之目所與遊皆天下
名士與天門先生尤篤吾楚文獻以些庵密庵兩
老爲最著全集刊本些翁序之畧云余與仲調生
同里長同學出處患難同時同志年來杖策以規
江左垂涕而受拾遺哀時命弔戰場尙有不盡於
詩若文者晚復以霜囓雪之肝腸赴笈鳳戈鴻
之羅罽西臺之後白晞湘水之魂復返人世坎壈
抑鬱到此無處開口烏知皆仲調詩文登峯造極
時也讀此兩公之跡如揭而其詩亦可想見矣

集中有哀湖南賦及湖南寇事諸詩備紀湖湘被

亂本末洵不愧詩史矣惜文多不能盡錄

朱竹垞

詩綜詩話先生壯歲好游自吳入越與先人訂僑
札之分甯橋李度歲晚際此離出監軍事捍禦鄉
邦著力暨章堵兩公盡瘁畧同讀哀湖南賦悽涼
過於蘭成詩雖未脫景陵之派然覺爽氣殊倫黃
九煙周星序密庵曠古集云變友曠古之作本西
涯樂府引仲而推曠之凡得一百二十餘則大抵
非忠孝廉節之型而奇俠靈秘之蹟人之可以干
城名教小之亦可以博物治聞後世讀其書想見
其人則不淫不亂將比風雅于春秋志潔行廉當
推離騷于日月矣至于寤歌之後繼以商歌則建
安不存恨滿桓靈之痛義熙以往辭多定哀之微
昌黎所謂誅姦褒于既成發潛德之幽光者一篇
之中不啻三致意焉是編出皇天后土可鑒野廟
之心五嶽九州共瞻空山之哭其以曠古名篇蓋
取風人願言則曠之義
悼今人之不古處也

游仙詩三首

八索散元氣三洲浮岱輿鴻蒙日月間攬轡凌紫虛雲中
拾虹草光映綠字書左右軒轅竈靈藥皆棄餘餽我白鳳
凰溟滓游太初從來羣玉山頑仙不得居愚哉甯先生情
然食飛魚

朝發崑崙山夕擊扶桑枝雲中十二樓喬素生無時神山
不可纜安用守蛟螭天雞聲在下小醉滄桑移銀河正清
淺黃鶴縱不騎一曲哀人間酣持鐵笛吹悠悠後天老羅
列金玉芝坐看蟠桃花長謠白雲詩

黃庭馭日月玄玉圖華嵩俯視瀾沙中衣帶縈八鴻飛行
羣仙裏乘鶴如罡風手持白玉冊長此問赤松授我忠孝
經期我返嬰童聞道不敢笑駕言息崴崴翺翺六合外海

白雲日紅從今寶雨瓶慎勿隨乖龍

銅佛崖

九月霜氣深煙寒霽亭午曲折登層崖臨江不可頰岸屈
趾乃窮雲斷路前忤紺殿嵌山腰豁然開淨土僧去門不
扃空泉散微雨終日漱崖花泠泠答鐘鼓

望華嶽

三日望華山山靈灑縹緲希夷昔所期此意同饑鳥積想
觸煙嵐懷勝翼難矯南峯削四方疇測裏與表峯陰似相
招寒氣戀昏曉

春日客武陵逢職方廖鐘壑偕伯子遠心招遊枉山
遂至八方亭遇雨宿毘盧閣曉霽復步龍潭塔院有

作

維舟看春山踏青青不斷全江弄一晴午樹新鶯亂柑酒
發幽懷入林如始旦渡橋逢野雲冉冉邀飛觀松暝竹亦
煙風雨來山半高閣闕峯陰身心澹然漢空香倒綠天坐
待雨光散吹旭落初鐘生雲變晨爨刀潭照一龍古木晞
雙鶴再上叢篁間氣清色已判山靈心茲遊故人桃花岸
谿天逢王天庚別去

初夏客谿邊共惜煙水好在山綠一川沿谿待幽討君情
漸淡然氣力近深老登臨亦不妄哀憐因自考回首湘岸
花十年困潦倒英雄著衲衣豈必求枯槁譬如善飲人胸
中貴浩浩君自理孤音子亦曷新抱帆影散中流同去山

陰道

楊修翁招同松梵園溪泛

半舫貯溪光紅葉沿溪上雲吹繞松前入幽發高唱寒條
壓酒尊白鳥飛不讓舟中四五人心與秋相向

癸酉臘月廿三日宿京山道中深觀音崖尋磴掬水
歷層崖上下古木峭壁高濤競響石爲李本寧先生
舊廢園愴然有作

名崖近大道其下如煙村樹邊逢老衲過橋知寺門庭前
老雙幹一爲娑羅根空閣覆崖壁滿屋蛟螭痕古木飽鐘
乳色亦與石渾泉響不可忍騰躍探其源高流灌千畝小
具河崑崙香雪昨夜消濤聲肅人魂掬飲泉上下微覺分

清溫巖阿受夕陽偶坐如朝暎戀賞弗忍去出溪松路昏
惜哉平泉後亦不理茲園

秋夜邀醉嶽麓與馮樸公山樓看月

霜輕山未寒氣返如初夏清磬一聲微松濤向人瀉隔江
明月飛峯高月難下兩客獨不眠岫嶠亦不夜落葉滿樓
風疑令禹碑化

金正希招集練江醉宿清淨寺

冬霜萬壑陰江永日將夕畫舫泛容與川暝光愈白急風
吹燭花谷響合歌拍小榼僧廚來蔬笋界方格語笑酒易
傾如以桐叩石柱史如枯禪城市無一宅酒深思吸茗同
作虎溪客貝葉啟禪書梅花落瑤席坐久聞妙音一榻隨

所擇睡香鐘鼓鳴林鳥翻旅翩吾亦步下山佛燈行

雲間觀海詩呈方禹老

有序

方君禹修守淞九年不遷而嚴毅如一日古人所難也
海潮漂缺時爲淞患公廼築海隄數百丈三年而積成
莫安有神功焉往觀於海爰賦此詩

天地之積氣乃在大海端日月盪精魄潮汐從兩九濤來
如萬馬蹴雪成峯巒魚龍晝夜急不暇爲波濤海門有時
裂桑田無時乾淞漕十萬石歲實如琅玕守吏化精衛衛
土徒辛酸如何三四載海岸獨不剋豈有秦皇鞭驅石爲
海闌方公眞古人至潔綱苛繁三年舉卓異九年淹一官
築海竟數里桑柘陰且團潮頭不用射石若神鬼安以茲

推崇績疏鑿當齊觀日中潮水落久立骨髮寒歎息復歎
息賢者良獨難

舟入虎邱

破曉入吳門不泊良有意欲及清晨光入山發山麻舟行
二里餘人煙雜遙翠峻嶒立平楚塔影落無地迴舸畫橋
東及門恐容易沿溪竹樹幽舟繞山背出綠陰濃到天小
鳥一聲墜艤棹從此登晴雲洗高寺

擬古贈高彙旃學使兼寄懷王昆華宗伯二首

眾山不讓嶽及嶽意自平列星不作月傳月光始盈文章
接元化日月風會生假令古學蕪何以勸高明鉅公抗經
史五緯天上橫春風吹岫巖赤綠成雲英一吹玉瑄發再

吹洞庭清雕蟲二三子激作鐘鏞聲鼎鼎朱張後敢獨求
微名今夜嶽麓下森寒惟玉衡

良工撫朱絃古調清且微正變隨運會忠孝風所歸豈不
貴世好難與名理違感歎百年內日月差常旂斂琴卧湘
澤夜看北斗稀北斗何以尊斟酌元氣機餘子乞沆瀣洗
濯文章肥作書報王旦南有崇雅衣廟肅鐘鼎貴水深魚
龍威孤桐自作感豈必黃金微

中湘月夜偶同周宜一石見五泛舟小酌至唐興寺
話潌洞達曙遂成極樂

迴舟溯明月散髮乘涼風漸與人煙近始覺湘天空我情
生無端樂爲二子融煙波漸以濶浩嘆當水中洗盞浮白

雪隔船拊青童逆上十餘里月射巖壁紅巖畔古山寺下有靈壘宮緬思廿年前僧榻聞秋蟲當時諸好友獨與周子同石郎最後雋世誼如初隆仰視浮雲嘯感慨良夜同潈洞亂孤漁影過雙飛鴻醉卧聽船叟放流花岸東片月落未落青山橫曉鐘

周子昭藏仇十洲美人圖索題卽席走筆

修竹影檀欒桃花紅撲遶娟娟兩素娥臨風鬪香玉同心惜晚春不語秋波屬疑是秦女簫夜深邀萼綠花間立小鬟流眄若驚觸疑有乞漿人縹緲聞斯曲猶哉仇十洲畫理人情俗我情復無端題此秉樺燭

軒轅臺懷古二首

軒轅非貴壽天地難鴻濛雲英化金石物命趨五銅騎龍
下寶山乃在湖水中張樂滿洞庭託言師崆峒千載鼎湖
上元氣翔八風

青天亘湖水白日淩丹臺至人非羽翰黃龍自天來悠悠
萬乘跡徒令攀者哀上有寶鼎雲下有蛟宮雷當時十人
相豈無神仙才庸哉秦始皇赭湘求蓬萊

擬古二首壬午九月由漢川入沔訪章義山刺史作
湖光道千里鑒我不在波玄英流大荒飲我不在和古今
自奔悅靜瀨通寤歌懷新向明月欲往橫秋河秋河直若
繩燦燦明江沱玉堂理朱瑟畫戟陳瑊戈坐令衆音抗金
石成我我鸞鳳四方來從君恢網羅

秋煙滿汀艇被潔向高流湖波萬頃綠夾岸芙蓉稠楚事
豈不棘入此聞歌謳歎息漢沔水照耀今古猷况復使君
才古人聊與儔箋經自卓筆理郡常輕裘山川亦豁達爲
之青雲浮羊杜去千載可以紓沉憂

訪陳眉公先生山居紀事

有序

維時季春下浣來客雲間煖日輕煙欣然具艇廼邀馮
友馮木公莊多客往見眉翁繫舟入林覺風日之氣亦
復灑然有異倒屣欣然如延故舊亟出枕中數篇相示
快讀旋摘藤花設酒茗登山臨流興會俱勝竹軒之側
設榻用古宣爐以水煎沉香甲發山谷老人書二卷相
與縱觀之其一題范寬釣雪圖其一爲某郎墓志草藁

耳書法皆道媚蒼秀墨花猶濕神物也後入座者爲趙
水部及脉衣和尚有歌吹一部繞橋上夕陽者則水部
所攜之青童也曲終日入翁相送至舟回望林屋繁星
歷歷在天矣歸而尋之以詩

春水綠河干欲往親巖岫青峯如墮雲松篁亦遙秀徑造
修竹間晴煙白圭質入卽頑僊廬相延敞清晝峯陰直到
牀是公割靈鷲酌醴烹藤蔬瓦杓土花繡示我枕中篇快
哉發人覆兩出涪翁書寶墨乃希覲其一數百言擷痕若
屋漏想見心手端驚喜理句讀煎香佐冥觀夕陽返襟袖
異僧突入軒悠然享觴豆有客攜變童臨溪試清奏山深
耳目新林屋安樸茂是日公暢然微言數往復譬如一迦

陵妙音震羣鰲又如徂嶽松聲與邱壑就廼知圯上人深
心關漢宙健步送至舟意若有所授河干歸路晚星出草
堂後草堂榻且懸再來爲公壽

呈董思翁大宗伯

萬物貴名壽天地趨一因崩騫弗到嶽至人長獨春夫子
重當世踐更師與賓才德弗可量安能測鋒鏘明興妙翰
墨公其三絕倫頗似蘇玉局曠達兼經綸無黨自良史入
籠皆秀民玄光抱鐘鼎元氣鎔金銀憶昔嶽雲開我生之
初辰湖南湖北雨種樹成龍鱗大老關氣運一柱長嶙峋
猶及禮公足天人師佛身汪洋墨池水似我瀟湘濱探池
得明月歸示湘夫人還採君山蒲爲公編車輪軒轅若致

問春風起臣隣

與劉止臣夜坐

明月不妄映爲君今夜深春風動芳樹相對聞浩吟世人
學漢魏屢奏無元音酒盡互評駁起繞松月林生平愛劉
向經術能酣沉太乙尙可致胡獨辭苦心小飲與君論尊
前陳古今

瀧下采菊

溪水廣數尺寒巖復秋英挽舟翠壁下時被柯葉橫就巖
采其華霜氣紛新晴微波漾馥烈夕照窺淺清竟日飲菊
水當令羽翰生長歌懷神仙萬物欽冬榮

閤夜懷劉彥升自怡

小艇探初梅空山見新月鐘餘萬壑風詩情細於髮與僧
評唱之傾壺就高樾懷人夜未眠寂歷清機發

新秋走筆送劉調生南下寄問郭些老

新秋湖上露的的蓮花香花前送劉晨酌酒傾流黃遙見
大雲山浮青下漢陽上有晴川樓鸞鶴時翱翔因君致素
書寄意高飛鳳矯舉天地外神山豈渺茫君看洞庭月已
作海印光五嶽自茲遠鄙哉懷故鄉

還家四首

未秋嶺雲白四顧生浩歎離家非行役歸來異悲歡田夫
笑相迎意實含辛酸小孫尙相識牽衣入門闌兒女各拭
淚諦認心始安扶我拜先人自覺膚髮寒言念我生易未

若今日難墮地五十年穀脫重生翰詎意舊巢壘未敗猶
可觀久客更爲主骨肉新團圓濁酒未忍酌枯琴未忍彈
忠孝事萬一灰生情百端

新飯盛滿盃新酒酌滿卮諸孫競相勸幼者捋我髭出門
雪壓屋手抱初生兒歸聞背地泣始悟殤子悲百年苦情
累哀樂集一時乃翁幸生還理遣聊自持假使魂歸來此
哭當爲誰達人齊彭殤莊叟眞吾師

屢日衡門下遙看數村雨雖不雨我田心爲四郊抒隣叟
枯槁息餘力事場圃爲我慶生還羣來致酒脯開顏說時
政城中好官府今年賦役輕官軍不掠取喜公眞賜環小
康共胥宇餘糧或可貸君莫憂饑苦深荷父老言此意類

淳古

墻西小茅屋夙昔多清陰雜植蓉與柳古木高且森去年
主人厄怪物欺空林六月大雨雹拔木如拔簪我今生放
還仰視天沉吟自痛失棲託而復憂夏禽池柳且未折芙
蓉亦能深何意賤奇節轉令柔者任茆齋旣頽落卑柯無
風音長歎藤蘿下徒傷松柏心

擬古二章奉別劉雪密先生

黃虞世已邈海若無安瀾靡然事伊周豈知仁義殘長謠
懷古人高山月蒼寒潛水獨澹澹矯立雲中鸞孤鴻淩霜
來相畱啄琅玕雖爲饑所驅食必瓊瑤盤從君飽仁義欲
去心盤桓

楚嶽有奇峯獨爲雲所閼其上千尺松亭亭絕附麗磊砢
謝時英高埃寄皇遠寂歷江上人情親覺嫵媚春風披拂
之坐蔭月三四仰視松精神亦悟彼蒼意兔絲何垂垂琥
珀晚乃出嶽雲無常升羲馭時緩轡願言南窗薰珠隨夢
松至

田家詩

東風靜如繡潛與寒谷緣乘時眾草木蕪綠翳林泉舉家
事南畝垂老警晏眠驅牛趁日出帶露深畊田東山有生
雲漸暗鳴鳩邊春膏固所期但下莫連綿夜雨朝復霽犢
力農亦便志願則如此蓑笠隨彼天長歌一濯足菜飯百
花前

童子於齋旁作菜畦

茅齋數笏地屈仄依古柯漸看新竹密翦蔓除青莎樹下
堪小畦亦復臨池波童子緩經營輕鋤雨來過雜種蘇與
莧掩映樹上蘿紫綠翻芳風幾日成園坡黽勉植嘉蔬秋
葵不妨多時畱野僧飯小摘投砂鍋助我發禪喜間一醒
酒歌庶幾老圃如抱甕同蹉跎萬事托蔬水清微吟邵窩

瀉山田父

世亂無深山憂來何可測皇天恕農夫辛苦厭盜賊山田
高入雲人犢相負陟泉多宜秋乾歲儉得晚食婚嫁不出
村井春婦能力有鳥催春畊有蟲促宵織雞黍時一烹畏
客非相識幸是古親隣少年同釣弋爲言城市中慘慘煙

塵色高冠白書生顛倒弄文墨坐食好盤餐鞭笞報軍國
空令隴上人輟畊三太息

忠毅劉公祀事詩

有序

癸未九月獻賊破湖南楚按君劉公熙祚仗節不屈執
之至吾邑之道林士民謀奮螳臂相奪賊怒大屠寧殲
公而去爾時全楚大吏以抗賊聞者獨蔡司李與公兩
人耳旋率優旨贈謚立祠今旣數年長公蕃錫來修祀
事寧故燼餘又重苦賦役無生氣然談侍御公之遺烈
未有不鬚眉張而涕泗沾膺者予逋廢中辱長公遣以
史乘讀之悲肅感觸舊懷聞邑大夫議更奉主入佛廟
甬貧納也管寧絮帽方慚易水之衣冠徐穉生芻尙欠

南州之雞酒漫附里言用當楚些云爾

忠臣社稷衛正氣天地倚國步既艱難彌留仗斯理傷心
烈廟中鯨縱網迺弛節鉞爲之驅兜鍪久無壘赤嶼走瀟
湘膽寒劉直指劉公忠孝人古之真御史戰督九疑山氣
欲吞賊子怪哉風雨橫夜靜朱陵圯繡衣就檻車半壁鼓
聲成瞠目下長沙意在汨羅水芳冽小瀉江波濤爲公起
奪公事不成成仁亦由此慷慨嚴顏頭怒切睢陽齒節義
感草茅精魂瘞蘭芷常山有令嗣膚髮終歸里公言振末
流謚爵章貞軌千秋屈原廟照耀潭城裏我嘗拜公祠霑
衣薦湘藥今日讀遺編秋霜聲滿紙毘陵望廬陵悲歌正
遙擬三綱尙不淪百世興頑鄙髣髴嶽雲閒森寒來劍履

按忠毅致命之地明史本傳在永州衡陽志在衡
州皆云賊踞桂王宮聚而殿之不屈見殺諸家記
載畧同惟寧鄉布衣余鳴玲紀公殉難本末爲得
其實獻賊攻長沙公護諸藩走衡永諸藩欲強之
走粵公曰御史楚官去永一步便非我死所九月
賊攻衡公救衡賊獲公囚之回軍抵湘潭至寧鄉
界道林人傳義兵將謀奪劉巡按賊怒繫公於馬
轡旦曳之遂卒時十月初八日也有僧潛瘞公尸
公子自武進來迎喪歸寄栗主於通安關外松竹
庵按此條與密翁詩同知當日見聞觀確可訂本
傳之謫今忠毅主尙存松竹庵余在寧時又從一
士人家得密翁請忠毅入寧鄉忠烈祠啟稿尤詳

湖南寇事詩

崇禎歲癸未西寇毒全楚當其破鄂城遼烽逼宸宇武昌
萬柳條煙塵接淮汝闖賊犯金陵獻得乘閒舉仲夏黃鶴
悲化作令威語撫軍先渡江萬堞無人拒紅旗入來驅十
餘萬士女倉皇漢陽門散髮投江渚填江咽不流逆氣橫

巴丘湖南血色日赤盡千里秋幾年尙苛斂公鬪民所仇
賊始建旂號八月攻湘州偉人蔡司李獨與張許儔插血
要守帥豈知懷異謀引騎突上關須臾傾北樓司李旣抗
節孝廉亦被收關豎與逆將左右于沐猴飛檄下縣官迫
促魂魄寒獻賂以緩難亂民乘爲奸販夫與牧豎迭戮宰
尹冠驍騎四郊馳焚索盡馬鞍良繇江黃人教賊爲忍殘
遮山似免且圍人入城關惡少髡鉗奴猙獰投營盤箭箠
紅銅襖佩刀雜絲鑿或署爲曹省或名爲武弁瀾翻報讐
怨殺奪無辛酸但作關西音卽得胡越看可憐賢良子草
鞵裋褐單百計竄閨閣畏爲賊所干華屋玳瑁牀棄置臥
野豻悲哉衡陽郡賊目據王宮張設僞守令孝秀被脅從

惘疑五嶺師大掠遡沅龍萬騎雜牛馬別部驅女童奏樂
食野外燎柴照營中雜還白銀甲婆娑紫貂襴黃面橫刀
瘢跳擲如蹲熊云是西府主自謂響馬翁資滄兩水間居
戮遭奇凶斫截婦孺手委積尸腥紅生人魂未復十日還
復東陰風滿我縣屯劄密千重驟然陰風黑叱咤屠章縫
首縫亦何辜指作叛逆徒一百四十首寃橫落須臾怨氣
成毒雲大聲奔賊隅軍中自詫慄比曉而前驅嗚呼此事
慘有如秦坑儒云是仲冬月風雪陰霾殊昏昏城野閒人
鬼遭塗塗往例自拔幟官軍得張弧前日溫家兵沿路來
焚屠沅湘五百里從此蕩室廬怪哉湘鄉兵四三莽田夫
乘閒集黨與駕言恢鄉圖無乃撫軍誤輕聽前執及擅殺

恣剽掠強食膽氣粗犂鋤亦載盡燔我書畫廚迫于明年
春逃官稍欲出觀察還姑蘇賊去亦當至公座民間堂下
令擒僞職雜弁與豪胥緹騎大得志痛哉誰陷之颺顏復
相治幸聞李中丞補過用撫字太守舊堵公觀後亦還泣
灑淚沾劫灰放聲弔忠義荒荒掃宮廟拳拳解羅織于時
疫且饑後骸掩前齒斗米四百錢議振不及施假令花源
來行事多黠驚寧人實教猱又奉觀察意陶子公車還肝
腸痛墮地期功強近親冤死多異事老母與妻兒生得鬼
神庇早計脫虎口亦賴吾子智相見瀉山陰重生萬行淚
旬日慟稍甦作書上守使一請理脅從再請用慈吏忍見
兵火餘豺鼠復恣肆坵墓儻不守嶺海或可寄漸聞京都

雨先宵濕花土難有雲光如此堂選置山川在君戶
蒼苔此地吐冰霜湘岳在前不敢嫵舉家清簡愛深棲更傍高
齋構庭廡燕泥春穩一幃明梅花半閤湘天午我來梅下
冬欲闌烹茶以雪分花苦澁然更理數年思一夜神明喚
賓主只今時事敢求安經濟莫須周稼圃山高水深爲汝
居詩書氣足如龍虎洞庭南嶽奇復奇轉向君堂問參伍
君言卜築偶臨臯萬里風來送檣櫓清湘幾度故人舟亭
亭江屋森今古

楊修翁少保招集西莊樓看武陵紅樹

武陵舊是雲霞區此樓能令山水趨深秋萬樹經霜飽欲
擬桃花花所無陰晴眾壑爭一午爽氣如對瀟湘圖丹楓

紫柏不知數平林松葉青相扶須臾眼中亂朱碧秋光若
爲紅先驅霏霏灼灼無邊隅倒卻赤縣翻蒼梧醉醒我亦
與之俱往時所見皆秋膚山東李白天爲徒前指青峯黛
若妹我思擊碎千珊瑚放入巴陵一片湖琉璃浸得霜根
癯紅際秋冬濕不枯桃花何必專其都

初冬舟中作

霜吹徐徐來沿舟入蘋蓼好山迢遞青一鏡窺飛鳥白鳥
差池穿野菱天寒水落陰棱棱澹雲到地無一影紅樹園
邨知幾層

閏中秋得月寄懷郭考功天門

明月豈獨宜秋輝秋來好月尙難得今年良夜肯再圓後

變憂怖不敢寐世亂人命微詩書日廢墜過此當何如傷
心聊復記

道有猛虎行

有序

甲戌六月策蹇之郡日未午虎突出道左從者皆後前一馬驚且仆幾掠我馬予舉鞭大呵之虎俛首數顧若
遜避去履虎不啗豈常理哉然白日在上而有當道之
憂世所謂矯矯者又容容焉竊有諷也

君不見猓猓山上虎白日在路旁腥風出林若虜策公然
值我於康莊瞠乎後僕御前乎馬虺隤舉鞭呵猛虎頓令
虎氣灰俛首卻走失猛獸之軼才爾豈無搏人之爪噬人
之牙不能當關禦戎馬斂威作意窺癡獍但幸沒羽箭射

直不射斜紛紛采藜蒺安用春霧遮俊哉蒙爾皮慚媿獅子花

過延陵挂劍處感悼吳公韻去春云亡不及執手

綠柳甕甕沙蔽日我思延陵轉愁疾故人已歿劍何爲生
灰幽明心自質那能眨眼負知交寶劍徒存我心失挂向
墓邊春草青風雨一天肝膽畢延津化龍龍已無今古延
陵劍在途腰門崩綴亦嘗有幾人脫贈如徐吳今年寒食
去年夢季札一去千秋孤對茲荒草思靡蕪

湖岳堂成爲中湘周五作念譚友夏去年客此亦有
詩

數載懷湘憶湘雨知子移家近江滸尋君月亦到君林輟

者乃與明月值秋月知歸何處樓美人夜坐星河逼閒垂
一手弄天章水鏡分明照香國兼葭白露吹我懷相思亦
共秋光力青峯厯厯江上頭此宵如在仙舟側

游齊雲巖醉宿紫霄峯走筆贈道士

玉屏萬木冬不黃緣崖列閣如阿房崖前棚梅化龍去夜
半猶然畱古香蒼蒼一氣浮青玉星月不知何處光醉卧
只疑仙掌夕松濤瑟瑟飛玄霜早起探奇不能待十二樓
臺峙霞背三姑五老何紛紛照入酒杯如瑇瑁道人邀我
自崖歸落葉聲中搖地肺煩君一割紫駝峯沉醉山中千
日內

擬赭樹報秦皇歌

有序

洞庭君山寺前銀杏大十數圍傳是秦皇赭山所畱樹
中空裂若炭而枝葉特盛歲結實可數石其真睥睨祖
龍者矣因爲作報秦歌

天荒地老六王畢八百湖光變風日扶疎小樹暗湘山帝
子祠前雲似漆龍舟不進聲滿空千樹萬樹光熊熊山桂
幽傷木蘭泣須臾萬頃湖波紅微軀半作光明燭以身翳
蔽千寒玉天吳大嘯湘靈啼捲起銀河灌秋綠鴨腳翻風
自年年蒼蒼一半生雲煙崑崙西望穆天子海上東思魯
仲連吁嗟乎祖龍竟受真龍乳君山作風泰山雨勞君作
火驅蛇虎堯時未赭軒轅土

采蒿歌和張子尹

采蒿歌采蒿歌儂自理音節煩君撫雲和南山籜龍骨已
養西山古薇煇仙掌蔚蔚香蒿始滿原羣筐競摘愁無言
幾家剝粟作盤餐饑腸半澀如蒸蘭老人故欲強藜藿雨
輩少年休淚落門前晒蒿日已晡笑我忍饑猶讀書天上
五穀不得食終日采蒿寧有力但願堯舜在上千年豐畱
蒿作柱爲蒿宮

夢松篇

有序

山居春夜夢入故宮繞步蚪松間金碧欹殘翠陰拂面
已驚寤而嘆故有述

道人貴無夢我所期夢佳果能到華胥庶幾散天懷不然
華與嵩又或東海涯且得避鬼帝春風吹茅齋昨夜山春

氣如密月靜花疎枕瑤瑟迢迢清夢不逢花步入寒松境
超逸前有金碧剝落之故宮鴛鴦綠瓦陰青空老枝壓檐
忽橫出意氣矯傑如游龍雲英灑衣聲謾謾旁有仙人相
歎息表回繞樹更西行枯鱗一枝向天直醒時憶得舊黃
圖報國庭前古兩株翠瓦鱗鱗覆飛閣鸞鳳泊平階除
院中海棠花一丈開時遠照青松上當時看松兼看花醉
歌不避七香車玄都桃李今搖落輦道松風亦蕭索蓬萊
清淺事依稀夢裏分明化遼鶴

補山堂歌爲郭些翁作步韻

幾歲南山看射虎將軍無人箭沒羽不堪束手送餘年一
去浮家信風雨森森三澨五渚湖神仙郭泰扁舟孤停槎

倚水結茅屋瀟湘一片同虛無誰驅青峯近如咫尺流雲有
聲到人耳僧繇潑墨能爾爲堂中坐看山雲起有時山動
雲弗移主人碧落玄洲裏劫火燒空空未腐以意命山山
卽補龐家名嶽亦無形龐居士云名山巨嶽不見形真是蓬萊安足數
且喜連天入草堂歌騷激楚開洪荒五緯不落山蒼蒼巨
鼇欲戴寧徬徨

熊湘閣有序

宋末景炎元年元圍潭日久知州李芾慷慨登陴力率
兵民盡守日以忠義勉其將士插血殊死戰有來招降
者輒奮罵殺之以徇數月力不能支至除夕元兵登城
衛守長沙尹穀時寓城中乃爲子行冠禮畢與其家人

焚芾命以酒酹之因畱賓佐會飲夜傳令手書
大字爲號達旦芾坐熊湘閣召帳下沈忠遺之
曰吾力竭分當死吾家人不可辱於俘汝盡殺
而後殺我忠泣而諾取酒飲其家人盡醉次第
之芾亦引頸受刃縱火焚其居還家殺其妻子畢
至火所大慟而自刎潭民感之多舉家自盡城無
其縊於林者相望烈矣哉賦熊湘閣

熊湘高閣不可跡羅雀掘鼠作除夕熊湘高閣不可下焚
玉燭珠作除夜作除夜悲何極三家舉火千煙熄旦日長
沙比寒食

日華歌

有序

十月十八日雪後大霽與同繫者十人曝日臯陶
適浩然仰歎見日下五色雲一朵驚語同坐須臾
成舞鳳狀白雲半天如兜羅綿承其足良久舒翼
抱日圓暈徑數尺許移時五色雲墳起嵌日若鑲
翳金丹者然日迺迸奮旋轉勢如冶金金光倏忽
兩輪戛磨掩映不可狀觀者欲眩久之雲平日靜
晶熒炙人則皜皜秋陽矣纖雲散盡獨五色糾縵
金烏霜空澄碧環視衣袂草木冉冉流丹蓋生平
未覩也予乃率諸人拜而戟手曰日離象也離而
殆蒼天其燭吾輩幽而脫此乎乃作詩紀其所見

云

案此詩無刊本余從友人家見一橫幅書法
道勁詩字俱佳愛而錄之先生子之典書也

十月十八日卓午短簷向曝瞻晴宇綵雲一片白雲端驚
我雙眸最先翹漸如天孫散錦絲繡作翔空鳳皇羽雙舒
五色抱珥圓了若大貝縣青天晶瑩射眼乍移睫吐納禰
素雲掀然雲凸日凹不可狀摩尼玉鉢中盤旋豈是燭龍
銜火者煅煉真陽入洪冶太阿欲躍未躍間元氣淋漓向
空瀉合離雙轉琉璃盤魂魄收凝海旭瀾眼光未定日光
定變幻金翠迴龍鸞歎息平生未曾見况復前朝雨冰霰
頓使幽扉徹絳霄玉皇手炙湘纍面當時射日豈無人眞
日不落藏重輪斂襟下拜謝冰雪爲我洗發天精神蒼蒼
氣正寒空碧麒麟不闕金烏赤何事滿船黑氣尙相凝海
底羣魑猶噉嗜君不見浮雲竟被卿雲逐百寶盆中浴天

日一朝滌淨古今蒙更駕毛龍三萬六炯炯重瞳視此間
似爲吾儕洒憂懃吁嗟乎心在人中日在天嚼雪敲水對
日眠

附錄曠魯之斂本岫嘯雜著天門郭公位躋上卿
致仕家居洪經畧承疇公門下上也公薄之洪駐
節星沙時有冤獄坐重解者百餘人星沙士謀雪
救僉曰非公不可亟走懇公不許懇益哀公愀然
勉詣洪館洪聞大喜走迎公謂洪曰兩朝元老
洪俛首曰千古罪人公改容曰適妄言毋介意因
曰某案可釋否洪曰惟命公啜茗一杯而出洪立
出百餘人於獄其時密庵亦同在繫中按密公手
寫自訂年譜中述獄事甚詳其畧云壬辰五十二
歲大旱六月明師起郡縣皆遁村邑數苦兵率鄉
人守助之村得不擾十月晦日李定國出粵西復
衡陽湘潭石見五銜命敦促不得已與周司農郭
司馬並出見至南岳一謁廟而還癸巳五十三歲
大饑官兵來復長沙正月族入與楊甲訟橫罹於
羅雪中被逮兩胥索賂立領其家二月訟解旋以
邵胥潘正先首叛繫郡獄撫軍金某得余與前郡

守啟索重賄不能得夜集鞠於真武廟予曰語誠
有之不能謀反也遽命杖杖時大雷電雨如注屋
瓦震落滅燭遠命罷云且還繫四月當事列諸反
狀以聞竄予名於中法當死政府有知予者大驚
旋奉旨付經畧洪公審奏意在必宥腊月經畧
洪公至武昌長兄赴軍前顯代慰遣之得尹洞庭
郭些翁手書深相念甲午五十四歲正月在郡邸
獄郭些翁尹祠老俱至獄門相視席地語移時二
月經畧至長三月付監司趙某問四月調衡永監
司張某與趙覆問經畧公二十八日通狀五月初
二日坐幕府前集士民觀聽訊首者仍繫脫諸人
於禁重垂慰遣俾就寓候題冬度歲於長沙乙未
五十五歲在郡侯旨六月部覆下經畧斬誣首
者於市曹命以昭雪還紳籍中秋後買舟由長沙
入潛沔月夜過洞庭泊新隄訪些翁於湖中據此
是獄起事之初天門先生實與聞獄成往返營謀
自力何至如岫蟻集中所云亨九雖列二臣當時
勢歟甚盛些翁方汲汲自拯之不暇而謂敢戲侮
於經畧之前以自取危亡乎必不然矣且些翁祝
髮久而云上卿致仕乎卽亨九亦非門下七也